

Ո Ր Ո Շ ՈՒ Մ

Ճանապարհային ոստիկանության վարչական իրավախախտման վերաբերյալ գործով
21.02.2021թ. կայացված ԱՖ563037 որոշումն անփոփոխ, իսկ վարչական բողոքն առանց
բավարարման թողնելու մասին

<<19>> 04 2021թ. 7-13- 5949

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս,
վերանայելով Արա Մելքոնյանի ՄԴ/25552-21 դիմումի քննարկման արդյունքում ստեղծված
նյութերը՝

Պ Ա Ր Զ Ե Ց Ի

Երևան քաղաքի Դավթաշեն վարչական շրջանի Դավթաշեն 4-րդ թաղամասի 7 շենքի 24
բնակարանի բնակիչ Արա Մելքոնյանը դիմումով խնդրել է բեկանել Ճանապարհային
ոստիկանության վարչական իրավախախտման վերաբերյալ գործով 21.02.2021թ. կայացված
ԱՖ563037 որոշումը՝ նշելով, որ համաձայն չէ որոշմամբ արձանագրված իրավախախտման
հետ: Միաժամանակ էլեկտրոնային հաղորդագրության միջոցով խնդրել է դիմումը քննարկել
առանց իր մասնակցության և արդյունքների մասին տալ գրավոր պատասխան:

Դիմումի քննարկման արդյունքում պարզվել է, որ վարչական իրավախախտման
վերաբերյալ գործով 21.02.2021թ. կայացված ԱՖ563037 որոշումը ենթակա է կատարման
հետևյալ պատճառաբանությամբ.

<<Ճանապարհային երթևեկության անվտանգության ապահովման մասին>> օրենքի 24-րդ
հոդվածի 7-րդ մասի <<զ>> կետի համաձայն՝ վարորդին արգելվում է ընթացքի ժամանակ
օգտվել ռադիոկապից և հեռախոսակապից, եթե դրանք կահավորված չեն առանց ձեռքերի
օգտագործման այդ սարքերից օգտվելու սարքավորումներով (բացառությամբ ծառայողական
առաջադրանքներ կատարող, օպերատիվ ծառայությունների տրանսպորտային միջոցների
վարորդների), կամ ընթացքի ժամանակ ծխել:

Վարչական իրավախախտումների վերաբերյալ ՀՀ օրենսգրքի 135.2-րդ հոդվածի 1-ին
մասի համաձայն մասնավոր տրանսպորտային միջոցի վարորդի կողմից տրանսպորտային
միջոցի ընթացքի ժամանակ ծխախոտային արտադրատեսակ կամ ծխախոտային
արտադրատեսակների փոխարինիչներ օգտագործելը՝ առաջացնում է տուգանքի նշանակում՝
սահմանված նվազագույն աշխատավարձի տասնապատիկի չափով:

Ուսումնասիրությամբ պարզվել է, որ 21.02.2021թ. ժամը 18:47-ի սահմաններում Դիլիջան
քաղաքի Կամոյի փողոցում քաղաքացի Արա Մելքոնյանի վարած <<OPEL>> մակնիշի 150AR61
հաշվառման համարանիշի ավտոմոբիլը կանգնեցվել է Ճանապարհային ոստիկանության ՃՊԾ
2-րդ սպայական գումարտակի 4-րդ սպայական վաշտի 2-րդ սպայական դասակի տեսուչ,
ոստիկանության կապիտան Մ.Մհերյանի կողմից՝ <<Ճանապարհային երթևեկության
անվտանգության ապահովման մասին>> 24-րդ հոդվածի 7-րդ մասի <<զ>> կետի պահանջի
խախտման համար, այն է՝ վարորդը ծխել է ընթացքի ժամանակ:

Վարչական իրավախախտումների վերաբերյալ ՀՀ օրենսգրքի 135.2 հոդվածի 1-ին մասով կայացվել է վարչական իրավախախտման վերաբերյալ գործով ԱՖ563037 որոշումը:

Ճանապարհային ոստիկանության ծառայողի կողմից տրված պարզաբանման համաձայն՝ քաղաքացի Արա Մելքոնյանի կողմից կատարված իրավախախտումը հիմնավորող՝ տեխնիկական միջոցների կիրառմամբ ձեռք բերված ապացույցներ առկա չեն, սակայն իրավախախտումն եղել է անմիջապես իր տեսադաշտում, ակնհայտ և պարզ տեսանելի, ինչի կապակցությամբ կազմվել է համապատասխան արձանագրություն և կայացվել ԱՖ563037 որոշումը: Միաժամանակ ոստիկանության ծառայողը հայտնել է, որ իր և վարորդի միջև ծառայողական բնույթի խոսակցություններից բացի այլ խոսակցություն չի եղել:

<<Ճանապարհային երթևեկության անվտանգության ապահովման մասին>> օրենքի 17-րդ հոդվածի 1-ին մասի <<ա>> կետի համաձայն՝ Ճանապարհային ոստիկանության ծառայողը պարտավոր է տրանսպորտային միջոցը կանգնեցնել, եթե **ակնհայտ** կամ տեխնիկական միջոցների օգտագործմամբ **երևում է, որ վարորդը խախտել է ճանապարհային երթևեկության կանոնների պահանջները**: Նույն հոդվածի 8-րդ մասի համաձայն՝ երթևեկության սահմանված արագության գերազանցման և տրանսպորտային միջոցների ապակիների լուսաթափանցելիության սահմանված չափի խախտումների համար պատասխանատվություն է առաջանում, երբ տվյալ խախտումը փաստարկված է համապատասխան տեխնիկական միջոցների կիրառմամբ:

Այսպիսով, դիմումատուի արարքում առկա են Վարչական իրավախախտումների վերաբերյալ ՀՀ օրենսգրքի 135.2 հոդվածի 1-ին մասի հատկանիշները, ուստի ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական իրավախախտման վերաբերյալ գործով 21.02.2021թ. կայացված ԱՖ563037 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել Արա Մելքոնյանին և Ճանապարհային ոստիկանության ՃՊԾ 2-րդ սպայական գումարտակ:



Ե.Կարապետյան